


St. Martin, Bez. Oberpullendorf
vorges. Ernestine Marton, 40 J. alt


62.




Hiatz hot ma mei Schatzal . . .



Hiatz hot ma's mei Schatzal a Briafel zugschriehn, ei dass i holt



ba da Nocht gar nimma kimm, a Briafel zugschriehn, dassi goa nimma



kimm, zwene-ri, zwene-reit, du li-o.

2. Hobs Briafal aufgmocht, hot mas Herzerl glei glockt
und bin i glei ganga bei stockfinstrer Nocht.
Hot Goa niemand glockt, bei stockfinstra Nocht,
zweineri, zwenereit, dulio.
3. Und wia is bin kema vors Bauern sein Nest,
Hiatz woa holt der Sakra no nit im Bett.
Is doa nit a Grett, sans no nit im Bett,
zweneri, zwenereit, dulio.
4. Hiatz fang i holt glei a Graspülwerk an,
Do hot ma mei Diandal ihr Fensterl auftaun,
Hupf eina zu mir, Du woasst es schon wia,
zweineri, zwenereit, dulio.
5. Und wia i a Stündl beim Dirndl bin gwest,
Do kimmt scho der Baua mitn Ochsenhehn zwegn
Schatt drein ganz verwegn, mitn Ochsenzehn zwegn,
zweneri, zwenereit, dulio
6. Oba Hiasl sogt d' Resal i gib da an Rot,
Spring aussu beim Fensterl bei da Tir is schon zspot.
I gib da an Röt, bei da Tia is schon zspot,
zweneri, zwenereit, dulio.
7. Hiatz hob i mi schleinigst ums Fensterl umgeschaut,
Do hot ma da Baua a poa auffighaut.
Ui je i hob gschaut, a poa auffighaut,
zweneri, zwenereit, dulio.

8. Oba Baua seits gscheit und mochts kani fadess,
Gangs sölba zan Dirndl, wannst Muada nit häts,
Wanns Muada nit häts, nochts koani Fadess,
zweneri, zwenereit, dulio.

9. Und wia is beim Fensterl bin aissigsprunga
Do is ma da Fensterstock a mit brocha,
Muass heint no locha, a mit krocha,
zweneri, zwenereit, dulio.

10. Oba Hiasal ho ho, lossn Fensterstock do,
Du kannst'n nithbraucha, mir geht er gross o.
Lassn Fensterstock do, mir geht a gross o,
zweneri, zwenereit, dulio.

11. Wanns olln a so gangat, wias mia is ganga,
Do gangat jo koana in d' Menschakamma,
In a Menschakamma, Flöh ofanga,
zweneri, zwenereit, dulio.